

灌縣志卷一

輿地書 沿革 疆域 輿圖 山川 古蹟



蜀爲西南奧區灌近成都襟江帶山土饒物衍天府之屏蔽也顧有郡縣以來境常分隸他邑興廢不常元改灌州始與今地相若其變遷之迹有可得而述者

灌於古爲蜀國地黃帝子昌意娶蜀山氏女其支庶遂封於蜀華陽國志十三州志虞夏

隸梁州書所謂岷山導江是也商省梁入雍周伐商蜀與焉仍隸雍爾雅周禮皆無梁州

周衰蠶叢稱王始建國都羅泌世族譜漢氏國今彭州導江有羅氏至魚鳧而後徙成都記魚鳧治在導江縣秦惠

王滅蜀置郡漢因之隸益州蜀郡領縣十五郫江原緜虜皆跨今縣地漢書

地理志郫注云禹貢江沱在西江原注云郫水首受江緜虜注云玉壘山瀾

水所出以今地準之諸水皆歷縣境江以東緜虜地爲多郫僅一隅江以西

灌縣志 卷一 輿地書

則統屬江原武帝元封四年分蜀郡北部爲汶山郡宣帝併入蜀郡爲北部

都尉而郫江原緜虜仍隸蜀郡歷東漢無改後漢書郡國志建安間昭烈初置九郡東

以西梓潼江陽汶山以緜虜縣爲汶山郡水經注縣即汶山郡治劉備所置復於緜虜地置都安縣治任今漢嘉朱提宕渠涪陵

以屬汶陽晉書漢安帝置新安汶陽二郡輿地紀勝三國晉易漢制徙都安於灌口改屬汶

山郡晉書汶山郡統汶山升遷都安廣陽興樂平康葭陵廣柔入縣仍統志云晉徙都安於灌口屬汶山郡江原仍隸蜀郡晉書地理志李雄據蜀別

立江原郡晉討滅之改江原郡曰晉原寰宇記李雄立江原郡在今崇慶州而蜀郡如故江原縣仍

屬焉咸安間沒於苻氏太和八年復歸晉宋沿於晉汶山仍轄都安江原則

歸晉原南齊永明初別於江原立齊基縣與都安并隸汶山郡齊書地理志蕭梁兼

置齊基郡郡縣考後魏始置灌口鎮輿地紀勝後周天和三年廢汶山郡以都安入郫

別於灌口置汶山縣寰宇記四年改齊基爲青城縣隋因之唐武德初廢汶山

縣置盤龍縣尋改導江復移縣於都安舊治割屬濠州旋屬益州貞觀中改

曰灌寧別於灌口置鎮靜軍

寰宇記

軍所理者四鄉耳垂拱二年以導江屬彭

州青城隸蜀州開元十八年易青城為青城

縣治在今雷家渡高墩子

孟蜀改軍為灌州轄

導江青城二縣

輿地紀勝

割青城郭姓等八鄉置永康縣

寰宇記

隸蜀州後廢為四

界鎮

遺址在今街子場清初場半歸縣轄乾隆五十八年併入崇慶州

宋乾德四年改灌州為永安軍太平興國三年

改永安為永康以導江青城來屬熙寧五年廢軍為砦導江仍隸彭州青城

仍歸蜀州九年復易砦為軍轄導江青城如故元初改軍置灌州至元十三

年省導江青城入焉屬成都路明洪武中降州為縣屬成都府清因之歷數

百年無變更民國廢府隸西川道旋廢道隸四川省

前志新采右沿革

舊疆域廣狹宋以前不可攷今縣境東至崇寧縣界三十里至崇寧縣治五

十里西至瓦刺土司界六十里至瓦刺土司治一百二十里南至崇慶縣界

六十五里至崇慶縣治一百一十里北至茂縣及汶川縣界六十五里至茂

灌縣志

卷一 輿地書

一一

縣治二百八十里汶川縣治一百五十里東南至郫縣界三十五里郫縣治

七十里溫江縣界四十里溫江縣治九十里西北至汶川縣界十五里西南

至崇慶分縣界五十里分縣治八十里東北至彭縣界四十里至彭縣治七

十里綜計幅員南北縱長一百三十里東西橫長九十里西北至東南斜長

五十五里東北至西南斜長九十里面積約四千九百五十餘方里東至四

川省會一百二十里東北至京師陸程五千八百二十里水程一萬九百里

自輪軌肇興路直而速需時不及三之一焉今首都在江寧水程相距約七

千餘里陸程相距約五千餘里

縣域編戶清初分四村二十六甲亦曰四鄉犬牙交錯金村古名伏龍鄉領

甲八村市五金馬蒲陽胥家分領聚源崇義及城廂東北隅周村古名大樂

鄉領甲六村市五太平太安安龍青龍旁領石羊南溪口豐都廟一帶陳村

古名彭門鄉領甲六村市六石羊柳街八角順江崇義土橋及駕虹橋一帶
筏村古名滋茂鄉領甲六村市五中興大興玉堂漩口興仁及城廂西南隅
凡村市皆以場名方言也咸豐以來村析爲四十八局團隸於局而甲隸於
團光緒三十一年改局爲四十一區遞轄團甲如故宣統三年創辦自治更
易區爲團易團爲甲易甲爲牌而分統以城鎮鄉民國仍之

城廂第一團領甲十二大公瑞蓮馬桑拱極三齊上協力中協力下協下景
春一景春二景春三景春四第二團領甲五通裕三義永濟天乙仁義第三
團領甲七建福翔鳳永桂三毅三合豐樂蓮華第四團領甲六奎光清平興
隆吉慶上伏龍下伏龍第五團領甲十澤惠威儀安靖恩儀濟公世泰清平
仁和德盛民新第六團領甲十六崇德人和奎采和順同心義和里和人義
慶豐禦侮清和清平集慶永安敦倫五福第七團領甲十五喻義三議永靖

灌縣志

卷一 輿地書

三

元順新立親睦靈山保安尙義上元永清同升忠和太平青龍

三陽鎮第一團領甲十四上保安中保安下保安威鎮武安公義治安忠義
永清三義久安里靖慶積威武第二團領甲十二相護復興關義太和鍾靈
清平福親安義從德毅安仁義登能第三團領甲十三寧靜醇厚清評恩諭
仁和友助久淹衛義均同公議均平東守望西守望第四團領甲十四致平
崇興咸和吉安崇毅清議平川上親平下親平清正清順清晏保安南山第
五團領甲十五有次第無甲名第六團領甲十相助守望上清平下清平西
永靖東永靖龍安仁毅安靖安寧第七團領甲十一官義守望親睦上龍安
西龍安東合助西合助義鄉上忠義下忠義人毅第八團領甲十二義和三
益清穆化廷治安泰安尊慰定安勇義公正安化太和第九團領甲十一清
安義靖境泰清評安集平安清隆上禦侮下禦侮東效諭西效諭第十團領

甲十二清平東清平敦仁東敦仁西敦仁安靖忠順永清興隆合善保全清
鎮第十一團領甲九清正忠和親平允安親和復興雙合石佛恭議第十二
團領甲十一治和合毅親正泰安兩河友安天順公義崇得積義天清第十
三團領甲十二智勇真武清睦清允平樂安平來安全安上萬安下萬安東
萬安西萬安第十四團領甲十一公平清安人和承平同仁智義志誠赤城
青城尙義總安第十五團領甲十清蘇雙勝平安安靖雙和三合智勇平陸
崇毅里仁

清正鄉舊名澧口鄉第一團領甲十三清勝清政東極平庸仁和永清興義敦仁慶
和永和忠和太平清正第二團領甲二十二興仁一興仁二興仁三興仁四
興仁五西鎮清義松柏鎮江理順泰公平昇平興隆澄清東岳義興太清
上豐樂下豐樂西禮義東禮義第三團領甲十六一力二仙三義四知五福

灌縣志

卷一 輿地書

四

六合平安清平清慎忠義和盛清鎮三合公義道安親睦
中興鄉第一團領甲九永樂耆亭東義永欽忠義洪樓忠興永逸興平第二
團領甲十三守和積善梓潼三湘永安永濟保國淳風里仁守望雍熙東福
壽西福壽第三團領甲十五公義喻義仁毅雙玉永和天保清鎮回龍俗美
同心比鄰平樂欽和志治陞平第四團領甲十五寶善集義萬壽橫山允清
長清雙和永固相望崇興合興雙獅仁和禹王鳳鳴第五團領甲十四永欽
仁里石義三合慶祥十目河心青鎮玉堂三台東凝西凝上雙相下雙相
崇義鄉第一團領甲十七崇義忠正中平義里上致祥中致祥下致祥上仁
德下仁德上親義下親義上親仁下親仁上永安下永安上雙和下雙和第
二團領甲十四義勝禦保助守時雍安靖公義集雍步雲雙榮中和忠義永
清上久安下久安第三團領甲十六衆志親義肅雍永和里和仁和上守下

守泰來朝陽安吉公正中里下里昇平清平第四團領甲十九精義集義友
 助敦仁古泉錦泉普安聚源念壹導江德盛守望上保安下保安上萬壽下
 萬壽上心一中心一下心一第五團領甲八信和人和禮和智安忠恕清泰
 上智下智第六團領甲十正明崇順崇隆安隆安良清仁保和永鎮永益靖
 安

金馬鄉第一團領甲十五信義清平公平里和協和大公守望中興清勝豐
 壽義濟和親平安上固本下固本第二團領甲十七有次第無甲名第三團
 領甲十六忠義威鎮合興永清安良清和義和致安友順清吉忠信國正天
 和桂林上安集下安集第四團領甲七定遠國林懷德正興仁吉心一忠信
 蒲陽鄉第一團領甲十廉讓敦睦尙義公義興義安順善慶忠正會元永安
 第二團領甲十六同慶安龍興仁懷安忠和盛世懷和敦仁一敦仁二敦仁

灌縣志

卷一 輿地書

五

三敦仁四忠義一忠義二餘三甲無名第三團領甲十第四團領甲十一第
 五團領甲十均有次第無甲名

都四十五團五百五十甲十九年復改城鎮鄉爲十大區而遞析以鄉鎮閭
 鄰凡戶五萬有奇口四十萬有奇縣多客籍五方雜處增減無常數難確定
 其密度則東南勝於西北茲附表以著變遷之概

前志新采
右疆域

附灌縣城鎮鄉地方自治區域一覽表

城廂	區別		原分區數	原有局名	原有村甲	現屬場名	古小地名	附注	現分區數
	團數	甲數							
一	十二	中區	志城局						第一區轄宣化鎮志城鎮中山鎮鎮安鎮宣威鎮導江鎮天乙鎮太平鎮清平鎮通裕鎮三義鎮紫東鎮同仁
二	五	中區				宋紫太平街順城			
三	七	東區	里仁局	村東關甲			石馬巷 翔鳳橋		

灌

縣志

卷一 輿地書

六

三陽鎮

四	六	東二	奎光局		塔子壩
五	十	上東八	六合局	金近城甲	玉帶橋東至高橋
六	十六	西一	德公局 輔清局	義和甲	小河街子
七	十五	北一	親睦局 保安局	金近城甲	北門外
一	十四	南八	和會局	陳一甲	古竹瓦鎮
二	十二	南九	和會局	陳三甲	下三叉
三	十三	南十	承天局	陳三甲	徐家渡
四	十四	南十一	承天局	陳三甲	古陳溪
五	十五	南十二	順江局	陳四甲	古鄆江

鄉永豐鄉里仁鄉
伏龍鄉奎光鄉清
平鄉六合鄉威信
鄉崇里鄉永清鄉
白沙鎮永安鄉同
義鄉

第七區轄吉慶鄉
永靖鄉威武鄉忠
義鄉三陽鎮義安
鄉崇德鄉敦倫鄉
太安鄉友助鄉寧
靜鄉均義鄉承天
鎮保安鄉惠元鄉
清義鄉清正鄉岷
江鎮平靖鄉清境
鄉禦侮鄉太平鄉

六	十	南十三	忠信局	陳三甲	柳街場	柳街子
七	十一	南十四	合助局	周二甲	柳街場	孝感寺
八	十二	南十五	雙合局	周四甲	觀音場	安龍場
九	十一	南七	義合局	周三甲	青龍場	回字營
十	十二	南六	義合局	周五甲	道觀場	木頭河
十一	九	南五	義合局	周五甲	道觀場	鹽井溝
十二	十一	南三	承平局	周四甲	太平場	觀音院
十三	十二	南四	承平局	義城甲	太平場	忙城子
十四	十一	南一	承平局	義城甲	太平場	

青龍鎮
第八區轄合義鄉
守望鄉龍安鄉合
助鄉助平鄉東靖
鄉平安鄉守仁鄉
西安鄉順靖鄉安
靖鄉順江鎮廣靖
鄉和靖鄉觀政鄉
觀德鄉觀化鄉觀
感鄉觀聞鄉觀禮
鄉

第九區轄道觀鎮
合順鄉清合鄉清
安鄉永安鄉公義
鄉仁和鄉來安鄉
清智鄉平來鄉密
義鄉清順鄉合和
鄉青城鎮丈人鄉

灌縣志

卷一 輿地書

七

鄉金馬

鄉崇義

鄉蒲陽

鄉清正

十五 十 南二 承平局 周一甲 太安場 太安寺

一 一五 北七 清正局 村金二甲 金馬場 淨土寺

二 一七 東七 公義局 村金二甲 金馬場 法華寺

三 一六 北四 威信局 村金二甲 許家場 許家場

四 七 下東八 維新局 村金十什甲 許家場 土什寺

一 十七 東六 崇義局 村陳五甲 崇義場 崇義堡

二 十四 東五 海雲局 村金朝陽甲 崇義場 大石橋

三 十六 東四 朝陽局 村金朝陽甲 土橋場 土橋

四 十九 東三 聚源局 村東關甲 聚源場 新場

五 八 東三 迎祥局 村義迎祥甲 聚源場 迎祥寺

六 十 東二 高聯局 村義迎祥甲 聚源場 高廟子

一 十 北三 蒲陽局 村金一甲 蒲陽場 蒲村

二 一六 北二 南溪局 村周六甲 蒲陽場 南溪口

三 十 北五 峨山局 村金一甲 蒲陽場 龍安橋

四 十一 北六 峨山局 村金一甲 蒲陽場 石碑岡

五 十 北八 同心局 村金一甲 蒲陽場 洪口

一 十三 西八 漩口局 村義和甲 漩口場 漩口

二 廿二 西九 興仁局 村義和甲 興仁場 水磨溝

赤城鄉味江鄉太安鄉澄清鄉

第四區轄崇義鎮義里鄉仁德鄉親仁鄉忠正鄉雙和鄉永安鄉致祥鄉致和鄉親善鄉義勝鄉助守鄉玉保鄉公義鄉時維鄉雙雲鄉忠義鄉步雲鄉安靖鄉久安鄉永和鄉江安鎮里和鄉下里鄉公正鄉肅雅鄉崇志鄉清儀鄉吉安鄉守望鄉太來鄉

第五區轄仁義鄉友助鄉保安鄉萬壽鄉錦泉鄉

鄉導江鄉德勝鄉心一鄉守望鄉普安鄉聚源鄉集義鄉仁和鄉禮和鄉忠淳鄉信和鄉才鎮鄉保和鄉正仁鄉崇順鄉安順鄉崇安鄉

第二區轄蒲陽鎮永安鎮廉讓鄉公儀鄉敦睦鄉尚義鄉尚講鄉興仁鄉忠義鄉同慶鄉敦仁鄉尚友鄉公義鄉清和鄉安仁鄉禮讓鄉無選鄉安靖鄉友義鄉二峨鄉安和鄉東林鄉守信鄉寧靜鄉仁和鄉崇德鄉里仁鄉運義鄉清永鄉清和鄉白美鄉聖安鄉懷忠鄉

第十區轄清正鎮仁和鄉清勝鄉政平鄉水磨鄉極和鄉永平鄉仁義鄉聖樂鄉白石鄉西清

漩口局一名公正局

本團上段保和在內

中興鄉	一	九	西二	中興局	村筏二甲	中興場	興附有大場	第六區轄岷源鄉
	二	十三	西三	中興局	村筏二甲	中興場		江臨鄉着亨鄉五
	三	十五	西四	中興局	村筏青城中	中興場		桂鄉中興鎮永濟
	四	十五	西五	玉堂局	村筏二甲	玉堂場		鄉尋源鄉布袋鄉
	五	十四	西六	玉堂局	村筏三甲	玉堂場		井福鄉梅坪鄉鴻
						三皇宮		都鄉三溪鄉老人
								鄉龍塘鄉和樂鄉
								慈雲鄉玉堂鎮北
								平鄉東寧鄉南安
								鄉永興鄉清慶鄉
								鳳鳴鄉西靖鄉

分野之說昔人已議其非所謂岷精上應井絡不足據也古之言天者蓋天已著地體渾圓之義精測密率實渾天家所權輿自羲和以璿璣測四仲周公以土圭測日晷縱經衡緯蚤見端倪西法東來參酌古制推驗地形一一與天度相協不差累黍灌縣在北平西經十二度四十五分至十三度十七

灌縣志 卷一 輿地書 八

分北緯起三十度五十九分至三十一度四十三分今首都在南經度略變而地處溫帶寒暑適宜惟西北多山勢較高亢與東南氣候不一人文物質亦判焉示圖如左圖另載天然圖一政治圖一區域圖七右輿圖山與水相表裏兩山之間必有川其恆例也灌縣諸山皆岷阜而大江縱貫之左岸為東岷右岸為西岷磅礴鬱積實梁域之巖疆焉蓋岷山連岫千里古所謂江出其腹者自松疊而下訶然中分隨地易名東岷一支自汝川境之盤龍山起迤邐至茅亭蜀王建亭處 俗誤茅田觀坂劉後觀瀾處 主江在青雲營河 北謂瀾一在堰名觀江陂循江東下為古湔山華陽國志北興十四年秋 主西進至湔山登觀坂即灌口山昔漢文翁開湔江以溉繁田故名乾隆府 廳州縣志玉壘山相近有灌口山元和志灌口山西嶺有天彭關劉後主登觀坂看汝江之流即此諸山夾江自白雲頂下奇峯插天斷如斧削大江奔注漸趨平原若人口之吞吐矣


灌口山北為尤溪山當作 龍溪再北為韞玉山一名永 康山山石潔白如玉可製器明蜀

每方五里



灌縣政治圖

縣治依地球經緯度經綫
 距北京偏西十二度四十
 五分緯綫距赤道北三十
 度五十九分幅員面積約
 四千九百五十餘方里清
 未劃自治區域分全縣為
 一城一鎮五鄉茲圖如下
 邑人蕭士彬謹繪并識



路	橋	場	城鎮鄉界	縣	山	河	縣
綫	梁	市	界	界	脈	流	城
從	從	從	從	從	從	從	從
(---)	(=)	(△)	(-)	(/)	(∧)	(~)	(○)

圖式

北五十五 北五十五
 北四十五 北四十五
 北四十五 北四十五
 北三十五 北三十五
 北三十五 北三十五
 北二十五 北二十五
 北二十五 北二十五
 北十五 北十五
 北十五 北十五
 北五 北五
 中 中
 南五 南五
 南十 南十
 南十五 南十五
 南二十 南二十
 南二十五 南二十五
 南三十 南三十
 南三十五 南三十五
 南四十 南四十
 南四十五 南四十五
 南五十五 南五十五

北五十五 北五十五
 北四十五 北四十五
 北四十五 北四十五
 北三十五 北三十五
 北三十五 北三十五
 北二十五 北二十五
 北二十五 北二十五
 北十五 北十五
 北十五 北十五
 北五 北五
 中 中
 南五 南五
 南十 南十
 南十五 南十五
 南二十 南二十
 南二十五 南二十五
 南三十 南三十
 南三十五 南三十五
 南四十 南四十
 南四十五 南四十五
 南五十五 南五十五

十五西 五十四西 十四西 五十三西 十三西 五十二西 十二西 五十一西 十西 五西 中 東五 東十 東十五 東二十 東二十五 東三十 東三十五

東五 東十 東十五 東二十 東二十五 東三十 東三十五

北十

北十

灌縣金馬鄉區域圖

民國十二年改為第三區

北十五

北十五

北十

北十

北五

北五

中

中

南五

南五


南十

南十

南十五


南十五

東五 東十 東十五 東二十 東二十五 東三十 東三十五



灌縣崇義鄉區域圖

民國二十二年改為第四第五兩區



灌縣中興鄉區域圖

民國二十年改為第六區



灌縣三陽鎮區域圖

民國二十年改為第七第八第九三區



獻王有祭韞玉山文益北山勢斜趨折而東南者爲白沙山山中有宋李暉
隱居處山麓爲白沙郵唐置守捉城於此其上有玉女房李膺益州記云鑿
山爲穴深數十丈中有廊廡堂室蓋房乃古雷槌廟卽青衣神祠班固稱廟
在離堆下玉女房是也郵之南有三石人蜀記稱李冰作以厭水災者華陽
國志云西於玉女房下白沙郵作三石人立水中與江神要竭不至足盛不
沒肩水經注亦云然

按諸書所載皆云三石人在白沙
郵玉女房則不一其說述湮無考

白沙江北自汶境蜿蜒東迤直趨灌城者爲玉壘山脊崇峻而左右微低狀
若壘字故名左思云包玉壘而爲宇郭璞云玉壘作東別之標指此山陰舊
有清源廟祀隋嘉州太守趙昱

昱嘗封清源
妙道真君

有馬超坪相傳爲馬孟起屯兵處

其陽俯瞰大江山麓有崇德廟

俗稱二
王廟

寰宇記稱索橋李冰祠在縣西吳船錄

謂永康軍崇德廟在軍城西門外山上爲李冰父子廟食處是崇德廟由來

灌縣志

卷一 輿地書

九

舊矣廟前卽古繩橋

古名珠浦橋宋名
評事橋俗稱索橋

長百丈許分五架旁翼以闌底薦以板兩

端爲樓柵周甃以石臥大木爲軸以繫繩行旅使之廟西爲紫雲宮祀楊四

將軍

張邦仲慶誕記稱將軍名從義六月六日生靖康時鳳翔人從吳玠立功河上所祀則
謂將軍溫縣人行四永樂元年六月六日生性好治水歿爲神清同光間屢加封號

廟東爲丁公

祠祀川督丁寶楨清光緒六年建山多嘉木蔚然深秀琳宮紺宇出沒其間
今毀於火方重建林外雲影濤聲震駭耳目石壁嶄然刊有玉壘龍津字真
靈境也峽口而上山勢分南北兩支

北支爲靈巖山崢嶸秀削俯視諸峯有寺同山名山頂有棋盤石旁刻天祐
二年字蓋唐人遺蹟寺北有千佛塔范成大所謂五橋今日新知路千佛當
年舊有名者也塔畔有黑風洞深不可測鄉人恆以風之大小驗豐歉今堵
塞矣洞前有靈竇泉冬暖夏涼不盈不竭一名白龍池水清可飲相傳爲阿
世多尊所鑿石像猶存山有聖燈夜照崖谷好事者每夸言之殆燐火歟南

支爲虎頭山俗名頭峭壁臨江形如踞虎上有玉壘關舊志謂唐貞觀間建王

象之碑目則云大中十年白敏中帥蜀時建縣治鎖鑰也由峽口南迤者爲

鳳棲山形勢如鳳戢翼而下前志所謂翠竹棲鳳者巖阿周里許斷岸千尺

河聲如吼俗名二道崖縣垣繚山上若在空中際入城少南有鬪雞臺其翔不可考元

和志亦第舉其名而弗言所自或云山麓如雞距插水中故名臺側昔有吳

行魯碑今毀再南則古之洪崖俗名三道崖東刻有水則宋河渠志云離堆之址

刻石爲水則盈一尺至十而止及六則水足用過則從侍郎堰減水河洩歸

於江元河渠志云鬪雞臺有水則以尺畫之凡十有二及其九則喜過則憂

沒則困少東爲寶瓶口浪花飛雪倒捲銀山是曰花洲宋知永康軍事虞剛

簡築堂洲上魏了翁爲記花洲湍激東入寶瓶口卽李冰所鑿離堆也下有

深潭相傳爲鎖孽龍處蓋北岸自虎頭崖而下峭壁開闔吞納洪流故名張

灌縣志

卷一 輿地書

屏南岸卽李公堰亦名侍郎堰延至離堆伏龍觀峙其上雙崖束江爲岷沱
關鍵真鬼斧神工也宋馮伉有移建離堆山伏龍觀序清同治五年川西道
鍾峻改建通祐王廟成都將軍崇實有王廟碑離堆之左爲人字堤卽左思
所謂西踰金堤是而南支盡於此矣

北支甫出峽山麓有寺曰竹林山半有寺曰聖塔竹樹交蔭高瞰城隅寺有

古鐘其聲清越餘響不斷前志稱聖塔曉鐘者也寺外一峯突起直趨縣治

爲玉屏山一名文筆山俗稱大類鼓坪倚山爲城翠屏高列登眺縱目江山無際故又

名登高山繞城北趨山首有奎星閣宛如彩筆凌空乾隆間教諭朱振顏有

重建奎閣序降而少南爲金龜山俗名小類鼓坪結束萬山形如伏龜陡落平野直達

省門蓋玉壘爲岷山之宗子而靈巖諸山又玉壘之羣子也

自縣城東北迤山勢不斷達於蒲村直北爲銀杏岡有銀杏大三十餘尺數

百年物也再北爲山王頂高峯峻削如鳳冲霄漢登陟尤難迤北爲二峨眉
林壑深邃雅類峨眉故名益北爲老熊香樟柳葉諸坪迤西爲獅子連三漆
樹諸坪人跡寢稀矣山脈蓋自茂縣九峯南下析爲三支左支東北迤蔓延
爲彭崇諸山右支錦互爲汶川及白沙諸山惟中幹巍峨盤鬱蒼秀離奇趨
向東南勢極變化左右諸峯若拱若揖說者以爲省垣祖山云山有寺即名
二峨建自明代瓦皆鐵鑄有乾杉一株香氣不滅山後有插旗諸山狀如旂
旆尤爲異觀自北而東爲金馬山俗名七頭山在金馬塲左山下有碧雞橋殆取蜀
都賦之意疊嶂層巒別具形勢若縣北之蘆芽山縣東之天潼山一名潼山梓山
迤東南之定廉山疑卽鐵砧山俗名橫山子走石山西北屬灌餘屬崇寧則部婁而已
西岷自縣之西南入者鹿頂山最著山脈由崇慶縣來諸山多其支派高入
雲表上無居民叢篁異花布蕩巖谷惟樵人藥客時至焉折北爲鶴子山形

灌縣志

卷一 輿地書

十一

勢險阻介汶灌間西屬夷疆萬山童童春亦蕭瑟東爲灌境葱蘢幽邃氣象
迥殊此天所以限華夷也再北爲盤龍山夏則積雪冬則凝冰窮巖隱天高
寒稱最李膺益州記云山土色黃盤迴有龍形故曰盤龍上有古寺卽以山
名有文殊池九仙巖凌冰巖諸勝又有三角井深不踰尺而常滿傳爲龐真
人浴丹處迤邐而降爲獠澤山有關同山名相傳諸葛武侯遷獠於此巖畔
舊有石門唐吳行魯有題獠澤水石記乃番人通華捷徑也山有寨子坪清
康熙初瓦夷侵之建曲尺寨居民構訟閱乾隆間始息地仍歸漢改建駐防
汎署今廢署東爲興仁塲俗稱水磨溝人煙稠密負山面江平野稻畦掩映竹樹自
北岸沿江東下爲官山坪乾隆西征之役儲糧運處坪前一石高數丈矗立
水中周若蓮瓣江流激盪浪花環之前志所謂蓮花石也又東爲天彭山卽
古天彭關俗名白雲頂自鶴子山以下沿江之山盡於此北來諸山截於此岷江正

流北來旁流西來

即古溪溝

既於此匯隔江諸山亦從此止山角一峯高聳入雲

與天彭闕相峙勢如排闥過此則山勢皆循江東走矣

其山之自北而來綿互南趨者為隰阪山林木森秀下有平疇宜黍宜麥古

稱其地曰柘平中有寺曰勝因院建自宋初熙寧間文同有勝因院記隰阪

以西則羣山起伏直達夷界就中如水桶岩芭蕉坪薛家山迤西南如徐家

山李子坡箐密林深罕有人跡隰阪以南為古溪溝聚落山市寥寥數家再

南為虛閣

一名虛谷

地勢險阻枕山控江樵唱漁歌蕭然塵表所謂餘福道也軍

興居民於此設隘足稱天險名曰福鄉關山北有神仙洞相傳明初有張姓

者登山樵採遇一猿招之入啖以瓜果几案皆石及出下石磴百餘級忽聲

如迅雷遂不敢復往山東江匯處

水磨溝入江

有迴瀾塔清處七姚清蘭建也

南渡繩橋為漩口山下有市集曰漩口場

今名清正

廩舍鱗次縣西通衢也自獠

灌縣志

卷一 輿地書

十一

澤關渡江而南繞西行林深路曲迴隔塵寰是為古老人村折東行有黃龍

岡岡有黃龍寺明萬曆間南京僧宗風所建寺旁有菊花井井旁有菜莖汁

若猩血說者云食之返童南下為紫柏岡上有古柏圍八九丈有寄生亦大

數圍相傳以為秦物由此東下而南為熊耳山壁立千仞磴道盤空十步九

折為鄉人入山捷徑昔人謂熊耳靈關為後戶信矣又東南為小鑿華有張

居士者建刹清修不與世接道路崎嶇有鑽天坡舍身崖神龍岡南天門諸

勝與什邡鑿華相類故名沿江而下水匯山分經漩口東至粉灘坪略露平

疇有駐防汛署今廢又東為鈞鐘崖崖壁有漢瓦交界字

按鶴子山至此舊屬漢疆為瓦夷所侵清雍正間漢

夷交詔川督岳鍾琪勸令還土目遷延未去乾隆間邑人王紀姚宗文等復控之川督發帑金作開墾費給與瓦夷夷去地仍歸漢

再東為三險一名崖後崖壁峭

削下臨大江灌口之扼塞也舊惟羊腸曲徑一線可通清嘉道間姚清蘭捐

金創修水利同知強望泰復加開鑿遂成坦道然地勢絕險一夫當關軍興

日鄉人於此設隘焉又東高峻凌雲者爲大面山之陰自山陰北出一支蜿蜒東下爲青雲營以青雲沱名也有小聚落在山腰俗名猴子坡度嶺而北有舊守備署嗣改駐防把總署今廢山麓有沃壤禾黍成村環以大江可戰可守過此仍爲鳥道沿江東下爲水西關倚山臨江爲大面北支結束實西來第一關鍵元河渠志所謂水西關限其東南是也度關而東盡屬青城範圍矣青城一名赤城方輿勝覽灌之南山也秀甲蜀中而以大面山爲祖隋趙昱隱於此故大面亦稱趙公山潛確類書云大面爲七十二福地之一輿地紀勝云山在三溪之北高七十二里蓋其勢陡峻雲霧時隱下視羣峯兒孫羅列春冬積雪封徑皓如銀海人跡罕到遊者皆以夏秋間天清氣暖窮數日之力方可登眺過此則不能往由大面北趨而漸低者爲大坪山幽杳高曠登大面者必經之東去爲老君巖以廟得名又東爲三台山又東爲挖斷山

灌縣志

卷一 輿地書

十二

明萬曆間謂山有王氣因鑿斷之也又東少南爲臥牛山古名石梯山亦名伏牛山上有異花芝草輿地紀勝再東爲大牛心山少北爲小牛心山別名端翠山獨立亭亭與諸峯不接益東爲登龍山卽古龍門山一名石峯山危橋相向若層門然中峯有紅躑躅花陰靄數步又改名看花山少北爲鳳皇山產麩金居人多因以富然亦易爲地方擾迤東北則爲橫山一嶺斜出達於江岸上下皆平陸矣

由大面山迤東南爲八卦台卽古壓月山輿地紀勝云山在青城縣西晉置上皇觀於上上有靈芝仙草李阿常遊是又云成都山爲青城岸山前臨麻姑洞深不可測前志云青城道宮上清爲最自山麓五里至上清宮又至成都山則爲半山至大面則爲巔似八卦台卽成都山仙人洞卽麻姑洞也茅君

內傳以爲寶仙九室之天

再東南爲望坡崖

俗稱王婆崖

崖中有淳熙四年趙真修路八字是宋時

已多遊者崖有龍洞石定江水入之聲若震霆東下卽滴水崖懸溜數十丈
王象之謂龍居溪在成都山下衆谷之水皆注其中下有龍洞殆指此耶東
下爲龍滾邊俗名羅鍋扁卽龍洞水出口處過此亦皆平陸

由大面山南趨爲通靈溝俗名偷營溝以獻賊自此入破太安寺故也再南
爲長坪山瀕味江昔杜宇與居人避水其上城壘居第往往尙在興地紀勝有太

安寺門蓋花坪舊路也方輿勝覽云長坪山捫蘿而上鳥道三十里爲牡丹
坪殆卽此山花豐盛似牡丹再南爲沙坪山當卽古花坪又古寶唐山產茶明楊慎謂

卽沙坪茶

見慎和章水部茶歌跋語

據此則沙坪卽寶唐山矣由通靈溝東趨爲馬蝗岡岡

下爲棋盤石北趨爲木魚山又北爲鉸子山堪輿家以爲青城翊衛云

由馬蝗岡北折而東爲第一峯卽古高臺山峯勢秀拔襟帶諸山一覽無際
山有聖鐙每晴霽光焰熊熊飛行各嶺吳船錄云岷山數百峯悉在檻下如

灌縣志

卷一 輿地書

十四

翠浪起伏勢皆東傾洵青城之大觀也自此南趨蒼翠萬狀者爲三十六峯
卽古之天倉山輿地紀勝云在延慶觀南連崖隱軫爲三十六倉杜光庭云
前十八曰陽峰後十八曰陰峰宋呂大防詩云天倉三十六蹇擁翠微間卽
此南折而東爲涼風頂又東爲禪師崖入山要隘也明季太安寺僧了空鑑
隨率衆禦賊觸崖死鄉人義之刻像崖間以祀再東爲筆架山峯巒數曲因
形賦名再東爲香積寺山有瀑布如捲簾頂曰孤鶴形勢矯若鶴立絡繹而
下岡巒競秀幽溪曲徑隔絕塵寰又復別有天地

由第一峯而北爲丈人山范成大謂至上清宮下視丈人峯直牆堵耳唐岑
參有丈人峯詩丈人之南爲鬼城山俗名月城山王蜀時崖崩泉湧其味甘香冬夏

不絕錄異記

迤東南爲元真山在丈人觀前上有神草如稻苗輿地紀勝東北爲飛赴

山方輿勝覽謂飛赴寺在青城飛赴山下卽此山外徑趨平原矣

由第一峯而東爲混元頂三峯特起駢羅鼎峙葱翠離奇第三頂下爲天師洞洞在峭壁間直下如削檐檻飛空俯視千仞羣山環拱浮嵐宛在襟袖山外平疇歷歷可見洞中有張陵像有開元御勅碑蓋天師洞卽古常道觀今爲青城第一遊人所萃不聞四時道士彭椿仙頻歲修葺有宏敞幽邃之觀云自此東迤者爲龍居山俗名青龍岡又曰排坊岡石磴紆回空翠欲滴再東爲太平山一名藥王山山趾卽太平場市聚也洞南爲偏橋兩崖中斷僅支一木下臨無地遊者危焉今已鑿山通道翼以石關履行無礙度橋而南爲祖師殿爲軒轅頂相傳爲黃帝問道於甯封處舊有軒皇臺今廢又南爲擲筆槽槽深數十丈自南而北直抵偏橋王象之碑目云天師戒鬼筆迹深一十三丈闊三十丈在大龍橋側名勝志云龍橋處兩峯之間俯臨不測山旁有誓鬼石朱筆畫山青崖中斷是大龍橋卽今之偏橋青崖卽今之擲筆槽也南折而東爲白

灌縣志

卷一 輿地書

十五

雲溪乃文彥博爲張愈置宅處又東爲乾元山衆山連接峯巒秀異再東爲三獅山重岡秀出狀若伏獅橫截南下諸山別具意態折西南爲杉木山再西爲紅崖則近味江上游焉

昔之言青城者類多神異山勢綿延不可紀極今就域內所常遊者舉之蓋以大面爲主峯高臺爲樞軸天師洞爲中權羣山環繞空翠四合狀若城郭此青城之所以名歟

縣之大水以岷沱爲綱領經緯原野績奏河渠具詳水利書矣若其吐納百川縱橫離合具有源委可縷數焉

江長四瀆其源偏近黃河禹貢岷山導江特支流耳然爲利則冠絕西南故說者每以正源歸之古今聚訟謬誤實多

如山海經史記正義吳船錄清聖祖江源考之類

惟四川通志較

明晰蓋岷江出松潘番地之羊膊嶺有南北二源

北源曰岡出阿林南源曰那哥多母精阿林

合而東南

流入黃勝關至漳臘營西有水東北自邊外弓楨口來注南經松潘縣東有東勝河自東來注折東南有窗河自西北來注又東經歸化堡西有雲昌溝自東北來注又南經北定關即鎮江關亦名蒲江關左受二水右受一水南經平定關普安堡疊溪營至長林堡西有黑水又至靖夷堡左右各受一水南經平定關普安堡疊溪營至長林堡西有黑水自西北來注水量頗大蜀水經黑水即翼水二水合流如張兩翼故名疊溪岷江別源也折東南有黑水寨河西來注之又東南左受一水至魏門關南受東北來一水折西南經茂縣城西北有白水河自東南來注又西南經威州故城今名新堡關有孟董溝自西北折東南流合雜谷淖水來注經城而南受大溪口水又西南受登溪水南經汶川縣城西又西南有草坡河自西北合三水龍潭溝天赦水沙派河來注又東南經娘子嶺左受一水南至灌縣西北境有納凹河自邊界大雪山東南流來注亦江別源也又南至漩口古溪溝自西來注水磨溝自西南來注江流益盛

灌縣志

卷一 輿地書

十六

水磨溝發源於木坪土司屬之大雪塘流七十里合女媧廠小溝又百餘里合瓦寺屬之九地水又八十里合五股水又五十里合經擔溝又三十里合嵐炭溝又三十里合掀盤溝又四十里合白應溝又四十里合磨子溝又八里至鴛鴦沱名曰西河合牛頭山發源之東河及盤龍山發源之黑石江名三江口匯流而下約數里合龍竹園溝至鐫子沱出瓦寺名壽江以其經老人村故也俗稱水磨溝又三里合白石溝又十餘里盤龍溪板廠溝牛塘溝草鞋溝諸水來會繞興仁場而下合白鹿頂發源之新溝歇馬溝劉家溝柵木溝響水溝魚跳溝千折東至尤金溝左合盤龍山發源之響黃溝石梯溝龍洞子溝湯家溝流二十餘里至漩口名流水東入岷江

溪口尤溪自北來注又東經玉壘山白沙河挾大梁河諸水來注江自羊膊嶺而下涵納羣流至此總匯直東為離堆判為二派岷沱於是分矣

世稱東南流者為外江東北流者為內江通志則以東南流者為南江東北流者為北江北江之直東注者為內江迤北注者為外江名雖互異而南北則不可移南江者即禹所導之岷江古稱為皂江者也禹貢雖指謂即鄴江漢書地理志注鄴水首受江蓋江分數派

而鄴較著今以金馬河當之正南流為金馬河流三里右分一支為沙溝河南流至玉堂場螃蟹河自西來注至中興場石定江挾金

井溝羅家溝韓家溝湯家溝翁家溝諸水來注又南流右分為泊江河木皮河自北來入之又南流左分為緊水河即古弩機水又南流入崇慶縣與味江會又二里右分一支為

黑石河南流至布岱口左分為木江河東南入羊馬河又南至八角場下右分為龍安河又南入崇慶縣會白馬河諸水流至新津縣入江又八里左分一支為江

安河 一名新開河即古酸棗河俗稱阿斗河即後漢所鑿之望川原元之馬壩河也東流入溫江 又十五里右分一支為羊馬河 東南入崇慶溫江界

又十里左分一支為楊柳河 東南經溫江縣至新津入江 此南江之支派也北江經李冰疏鑿

即古沱江江左皆山循山東流滌洄盪激勢甚湍悍自離堆出峽經城南分

一支為三泊洞 今寒其二祇存一泊水景減於昔 江心有太平堤自上魚嘴右分一支

為走馬河 南流三里左分為柏木河東流二里右分為五陡河左分為羊子河又東至聚源場左分為徐堰河楊慎謂為斜堰河又東八里左分為油子河即古郫江又東十里左分為小沱江流經郫縣崇慶溫

江入成都 是為內江 自下魚嘴分為二流一直下為北條河 一名柏橋河即府河為古流江亦曰成都水李冰鑿二江成都中即此東流分為沙子河

下仍合流又東分為馬鞍河下入於蒲陽 北流至蒲村山王頂白果岡諸水注之東南至積金渡入 一繞城東折北流為蒲陽河

崇寧界頭道溝洗脚河諸水注之流經崇寧繁漢出金堂峽由簡資內富至瀘縣入 此北江之支派也凡

南北二江所分析類皆異流而同源至若西南之味江寰宇記謂出青城長

樂山江中有大坎小坎水聲洶湧聞數里 味江自五馬槽起水流山谷間至崇慶縣之龍潭寺出山其支流有洪水河 江上有

唐山人隱居處沿山東流折南至崇慶匯於江迤南之木頭河受捲洞溝香

灌縣志 卷一 輿地書 十七

積寺諸水流經崇慶縣入味江迤東之木皮河納青城溪瀾東南流至青龍

場會泊江河入江迤西螃蟹河石定江皆自大面山麓東流會沙溝河入江

靈巖以北諸澗會三泊洞入蒲陽河龍潭溝諸水亦東南流入蒲陽河並匯

於江此則異源而同流者也

地利不如人和昔人既言之矣然表裏山川實因地利設險守國天下莫強

焉即在州邑此疆彼界亦有要衝勇夫重閉况封域哉灌之形勢西北多峻

嶺綿延深阻大江所經石澗成溪左右交注山高水激地鮮平夷東南則沃

壤昫昫河渠紛錯水陸之會憑恃津梁語其險隘則玉壘 治西一里 蠶崖 治西四里 鹽

井 治西白沙河北 水西 治西白沙河南 獠澤 治西南九十里興仁場下 靖西 治西北一百里鶴子山麓 諸關土門 通金川要道 魚子 治西南與瓦夷

交諸卡金馬徐家宣家 治東南 諸渡蒲陽 治東北十八里 崇義 治東三十里 土橋 治東南三十里 柳街 治東

南六 十里 太安 治西南七十里 諸聚駕虹 治東二十五里 積金 治東三十二里 三邑 治東南四十里 諸橋皆扼要害藉資

保障者也

前志 山川 灌記 新采 右

人傑則地靈地以人傳足資觀感故鄉名勝數典而忘奚免於陋蓋升高能賦乃爲君子德音墜緒旁搜亦以酌今準古遺蹟具在當彙錄之喬木可珍例得並著

導江廢縣在治東二十里卽漢都安縣故址唐置盤龍縣尋改導江宋仍之元至元間廢今爲導江鋪寰宇記云縣在永康軍東十八里有喏城古都安城也青城廢縣在治西四十里今羊馬口杜墩子土人掘地得殘碑有青城西門羊市數字者又有得開元錢數十千者此爲漢江源縣地南齊置齊基縣後周改清城唐改青城宋因之元至元間廢邑人劉光旭有青城廢縣詩

詳文

永康廢縣在治南六十里今崇慶縣街子場

土名四界鎮

宋史云分青城地置

寰宇記云孟蜀廣政十二年割郭姓等八鄉就橫渠鎮置徵稅院十六年改

灌縣志

卷一 輿地書

十八

永康縣後廢羊灌田守捉城在治東唐開元間置按羊灌田今羊子河也元和初高霞寓追叛將劉闢及羊灌田闢赴江不死擒斬之卽此繩橋守捉城在治西四十里唐開元間置今金繩渡卽古繩橋故址也白沙守捉城在治西唐開元間置以白沙江名木瓜戍三奇戍均在治西新唐書導江縣有木瓜戍三奇戍開元間置貞元中章皋使鎮靜軍使陳洎統兵出三奇戍伐吐番卽此故汶山郡元和志云在導江縣東南十五里漢嘉古城益州記云在青城縣南四十里忙城子在治南太平場三里明季蜀藩慶符王奉錡召土司董卜韓胡勤王駐兵處倉卒築城故名蠻城子在獠澤關右爲董卜韓胡所築甃石堅固周約數畝

赤城閣在治西青城山下劉後主爲范寂建閣前有柗相傳爲寂所植殿前鋪甃皆漢製今廢天峯閣在青城山中范賢館在治北湔氏村李雄築以延

范長生者常道將廢宅在治南三十里鄆縣孫祺有詩詳文楊妃池在治東

二十里卽古落妃池太真外傳稱父元琰爲蜀州司戶參軍生妃於蜀導江

縣有落妃池妃幼嘗墜之又先賢積慶碑云妃祖志謙爲青城令則妃之居

導江無疑亦名玉環池水清多魚俗以爲滋茂池水尾明楊慎有詩詳文梳

妝臺爲妃故跡凡二俱瀕走馬河其一近楊妃池臥龍館在治東唐侯詡隱

居處見北夢瑣言青城別墅在治西嚴遵美致仕卜居處水晶宮在導江縣西蜀王

衍時夏中自青城山至此憩息花蕊夫人故宅在治西南方輿勝覽謂在青

城縣王培荀有詩詳文玉壘堂致爽軒方輿勝覽云並在永康軍治宋趙汝

愚范成大陸游均有詩蓋范氏宅也詳文白雲溪在青城山麓張愈隱處其

間有讀書臺柴家樓距青龍塲三里有柴夫人墓不知何代人樓址尙在天

生橋在乾元山有片石挿削壁間相傳爲仙人游戲地胥公橋在胥家塲中

灌縣志

卷一 輿地書

十九

街明胥氏所創建也

疏江亭在治西相傳大禹導江至此又名都江亭明盧翊得李冰所刻六字

置亭覆之廣莫亭方輿勝覽謂在軍北朝天寺太守呂汲公建李壁記危樓

飛檻負城四出觀覽之勝甲於東南明統志又云出金馬門朝天寺望廣莫

亭憑闕下視一目千里西瞻堂在治西門之南下臨江水西見青城雪山四

望亭在青城山瑞芝堂搖雪堂鎮靜堂山雪樓皆在軍治空明閣在興化寺

丹梯樓在南城門上面雪樓在倅廳輿地紀勝萬象樓在馬鞍山乃登高山之故

基彭洵灌記玉華樓在青城山宋陸游有登玉華樓詞冲天樓在中興塲上今毀

民國十二年別建有奎星樓觀瀾亭在離堆左明盧翊建有秦守六字碑望

澤亭在離堆南慰農亭在治西南隅今廢愛棠亭在金馬塲外清咸豐三十

一年饑邑令辛本樞平糶民建亭以頌之光緒丁未冬毀於火耆亭有二一

在中興場下古稱中興鄉爲耆亭鄉一在興仁場清光緒三十三年劉宜鳳書村中耆老於亭故名嘉禾亭在崇義場東甘雨亭在治東二十五里官道旁摩雲亭虎嘯亭並在香積寺

忠嘉堂爲虔州通守宋師禹祠乾道中詔書有忠義可嘉之褒故名其堂曰

忠嘉彭海灌記保福莊在軍北五里乃成都保福寺莊有蜀王建像翠雲塢在治

東觀音寺高樹靄若翠雲飛鳥翔集禪林寺在崇義場外五里初爲荒林土人墾地掘得殘碑有禪林寺三字因以名其地清谿祠在軍治西治水記云

蜀守李冰令清谿玉壘之神齋畫之罪大竹菴在中興鄉臨江寺西見寺側蕭姓墓碑今菴已無有三教堂在大興場外明清間一叢林也毀於鼎革時

土橋場東二里相傳有朱家觀今廢青霄在軍治登之則勝概無窮八景臺

觀李藝作輿地紀勝奎光塔高二十六丈在治東南隅古塔久圯清道光十二年

灌縣志

卷一 輿地書

二十一

縣令周因培重建靈骨塔在承天寺高丈六尺有碑詳藝文書杏花村在治東袁

家墩清咸豐初有碑出土惟杏花村三字可識迺勁如篆隸老人村在治西

七十里昔人避地其間多壽故名見夷志洪樓門在中興鄉樓廟俱毀今洪樓

甲卽其地蒞黎灣在治東五里民多種梨花時如雪仙鶴地在治東金馬山

瓦寺林白鶴林均在治東五里班

利民臺見蜀堰碑誓鬼臺在青城丈人峯下明統志八卦臺在大面山軒轅臺

在青城山望江臺有二一距麻溪五里因岳鍾琪征金川得名一在寨子坪

石阜如臺可以望江花哨臺在興仁場外以石有花紋名羊馬臺李膺益州

記云入山七里至赤石城有三師壇羊馬臺龍池在青城仙人洞前衆流競

注不溢不涸天池俗名麻姑池在上清宮左形如半月文殊池在盤龍山恆

有鹿飲之白花池在粉灘汎前相傳明季蜀藩避亂山中其女白花浴於此

因名白龍池在香積寺聖水池在崇德廟明嘉靖間掘地得水石蓋有聖水池字識者以爲東坡書滋茂池在勝因寺前水澄澈冬溫夏涼古泮池在治東宣化門內清初建文廟於此後移城北所遺泮池乾隆四十四年復濬之號曰墨池牛角池在蒲陽鄉北山中四時不竭金魚池在治東金馬山銅鑼池在治東南安龍塲外明何傑有詩泉水蕩有二一在土什寺西一在寺南四時澄清魚子水在青城山西北谷中相傳水中魚有翼能飛食之使人壽六時水在青城山方輿記云六時灑水以代刻漏京鏗詩八千里隔東西境十二時分晝夜泉即此又道書以爲潮泉三溪水在龍居溪下水激巨石成潭上有古天宮老君石像奎光井在縣治文星街下有石刻隱約可辨蓋創自明洪武初金華井在水利署側亦創自明代沁心井在治東觀音寺不詳所始清康熙間有僧淘之得殘碣篆刻沁心井三字宋井在治東北隅民國

灌縣志

卷一 輿地書

二十一

六年湯聘之築室發見古井口六方徑三尺井緣刻石三十一字知爲宋元豐四年造琵琶井在治北洪廟子東土人浚之甚清冽劉海井在治東十五里前志云劉海不知何時人精道術相傳有三足蟾爲害海制之傍有堆壩均以劉海名井三口土人堙其二尙有鐵椿可辨鴛鴦井在上清宮右相去數尺互爲淺深涼水井有四一在胥家塲外一在興仁塲外井水絕清其二在中興鄉平地湧出可資灌溉八角井有三一在駕虹橋西一在大面山半一在興仁塲南蓋靈泉也又馬祖寺有八角古井相傳爲漢時掘彭洵書漢承天寺八角古井數字於井亭上按東漢初佛教始入中國彭氏誤金祥寺亦有之已枯

古墩洞在治東十二里相傳爲張達善墓未足信神仙洞有三一在白雲峯下內有石筍一在大面山八卦臺清道光間有人入洞行不能窮其究竟一

在橫山寺嚮亦有人入之今爲鄉人所塞七仙洞在治南七十里深不可測
圓光洞在治南百里形圓如鏡八大洞一大乙二九仙寶室三娑羅四高臺
玉室五麻姑六寶園七聖母八都督見輿地紀勝石佛洞在治南五十五里
內有佛像泉尤清冽朝陽洞在青城山中晴霞絢彩氣象萬千小陽洞在其
側大崖洞在治西九十五里寬廠可容十許人冒水洞在大面山麓水自石
罅上溢若鼎沸然響水洞在涼風頂清韻悠然龍洞子一在望坡崖詳前一在
黃龍寺外狹內寬鄉人於此汲飲門洞子在白沙河兩岸形如城門內豎六
方碑形似鳥篆蓋藏文也相傳唐宋時作鐵索橋處倒關門在治西五十里
石壁峭立周匝若門倒關因名之虎圈在高臺山絕頂傳爲古仙人豢虎地
尙有鐵索在竇中峽口在治西北三十里兩山對峙泉滴石上玲瓏如肺懸
綴崖間有小道通白沙河源

灌縣志

卷一 輿地書

二十一

譙崖在大面山宋史崖爲譙定隱居之所蜀人敬而不名燕子崖在治北五
十里白沙河山中雪崖在治北九十里積雪經暑不消麻崖在治南六十里
白崖在麻溪北峻壁千仞下臨大江石燕崖在治西四十里以產石燕名老
君崖在治南八里滴水崖在治南二十五里崖水下注夏日飲之可卻暑鑿
子崖距興仁場十里險道因鑿而成擦耳崖在治西南五十里勢險峭蝠兒
崖在治西石廠附近金鞭崖在青城山陰第十三峯峯半有洞露金莖三晴
明望之爛然有光傳者多異說焉九仙崖在盤龍山銜鳳崖在興仁場東臨
官道觀音崖又在其東四里青石崖在場後飛水崖在治西麻溪場外高百
丈有瀑布和尚崖在治南七十里以山狀名之吳家崖在治南六十里諸峯
相對如列屏簸箕崖在治南六十五里因形賦名涼風頂一在青城詳前一在
治西一百里涼風時起山石皆有龜紋三合頂在治西一百一十五里三峯

極峻罕有人跡韓坡嶺在治西一百一十六里外毘瓦寺上有界碑馬松嶺在治南九十里山多馬尾松鳳皇嘴在治東三十五里老鶴嘴在治南五十里中花嘴在治南七十里山形似花蕊即鹽井溝發源處聯陞坡在治西五十里峻壁臨淵清嘉慶末甃爲石磴光緒間賴氏重修之連三坡在治西九十八里赴金川大道也黑土坡在治西九十五里興仁場外產石燕青欄坡一在興仁場東一在治西南鳳凰山流沙坡在治西三險白家坡在天潼寺側黃泥坡在蒲陽場東流沙漕在治南一百一十里大火地在治西南一百二十里多竹樹可燒簾作紙有自生塊及羊芋土人取以療飢

柵木岡在治西十里有小聚落獅子岡在治北六十里火石岡在治北三十里石碑岡在治北三十里有聚落十餘家毛草岡在治北五十里五顯岡在治南二十五里神仙岡在治西四十里蘭花岡在治西七十里幽蘭所生

灌縣志

卷一 輿地書

二十三

香溢空谷古墓岡在治西三十里白果岡在治西十里馬腰岡在治西六十里龍神岡一在治西前詳一在治東二十二里礪廠岡在治西南一百二十里毗崇慶縣相傳昔人掘硫磺處牯牛岡在治西一百有六里爲熊耳山過峽處官棚岡在治西南一百三十里有小道達崇慶分縣青雞坪在興仁場後名以其形鞍子坪在漩口山麓梅子坪在治南十八里白果坪在治西距青雲營四里貓坪在治西一百一十里深山荒寂常棲虎豹菴子坪在治西九十四里昔爲盤龍寺屬菴靈茅坪產茅高丈餘幹有節類薏苡二坪在治西九十二里廣一頃在寨子坪下花椒坪在治西一百一十里毗汶屬麻柳灣草鞋坪在治西一百有五里山後界三江口杉樹坪在治西北六十五里瓦子坪在治北六十里長坪在治北一百三十里毗茂縣黃荊坪在治西北六十五里中坪在治北六十里廟基坪在大面山半岳家坪在治西二十里九

甸俗作酒店坪在治西三十里郭家坪在治南五十五里官山坪在治西南七十
五里石廠窩在治西九里多青石可製器大風窩在治西十五里山口時有
烈風大佛窩在治西十八里上有瑩華廟燕子窩在治西青雲營下老鸛窩
在治南十三里鏡盞窩在治南六十里晴齊之夜每有光上下青城諸峯撮
箕窩在治西南七十里以狀名也

照沙礮在興仁場東爲赴縣官道郭家壩在治西八十六里路通熊山耳長
和壩在治西九十里赴金川道也沙金壩在治西十五里以沙色如金名苦
草壩在治北二十五里貓壩在治西四十里有猛獸蹤跡羊叉壩在治東二
里介蒲陽北條兩河間以形名蓮花壩在治東五里有田狀似蓮花清咸豐
時泛爲澤國今名其堰曰蓮花甲亦同名大郎壩在治東十五里石公壩在
治東三十五里皆以廟名席草壩在治東三十里以物產名濫泥壩在治西

灌縣志

卷一 輿地書

一二十四

南六十五里地沮洳八字塘在治西一百一十里山形如字界崇慶縣龍漩
塘在治西南二十八里山下即龍滾邊老鍾沱在味江河八卦台下沱中青
波魚頭有紅點人不敢食石筍沱在興仁場多游魚相傳爲沖沒十字街之
遺址老魚沱有紅魚長丈許見則年豐枇杷沱在壽江未建橋時馬氏設有
義渡鯉魚沱在治西繩橋下亦昔年義渡所在五珠沱在治南三里昔人字
堤潰決所致今淤泉水田在興仁場外產米甚香墨池田在崇義場外田形
如硯土色黑因名廟基田在治東二十里羅家巷側明時中三教堂廢址也
或謂係崇德廟廢址田內尙有石礎鄉人以甄甃社公祠於其地名曰二王
莊蓋誤矣播彭灘在漩口場外水聲淵淵如鼓然鹽井灘在金馬山麓昔人
有鑿之者水微鹹金杯玉壺在石定江崖壁間晴明望之宛肖木魚山在崇
義場東一撮土耳其輿地紀勝鹿飲泉在青城縣西青城山五疊泉在香積寺

以狀名

試劍石在青城延慶觀北相傳爲張道陵降魔處石高數丈上合下分一名三島石點頭石化虎石龍洞石漏米石皆在香積寺相傳有雞谷禪師開道塲於石隙中漏米以供朝夕今石猶存龍牙石在二峨眉寺側形似牙高丈許永康石似玉今名韜玉山詳前雞冠石在盤龍寺側兩旁皆懸崖獅子石形如蹲獅在蓮花石下詳前關門石在盤龍山中對峙如門魚跳石在官山坪下互江若門限然馬鞍石在青雲營東筆架石在流沙坡堅白光潤以形名天盆石在清正塲外高數尋頂微凹如仰盂因名大白石在治西一百有五里歸時江崖赴三江口小道經此雞公石在治西五十里路旁形肖雞故名雞心石在壽江濱水漲過石則爲災石日月在青城山中徑各五尺有餘石天地亦在青城山天形有十二角地形正方闊七尺石筍在治西九十六里高

灌縣志

卷一 輿地書

一十五

丈餘又青城丈人觀西亦有石筍高十丈餘其地名石筍堂石鴨在治西漩口江心石雞在治南五十里石龜在三峽崖間石牛在治西大江中相傳爲李冰鎮水所置石馬在水西關馬鞍山半石羊在治南石羊市均以狀名石犀爲李冰作以厭水怪舊有犀牛里石門石鼓均在治東金馬山石甕在二峨眉山麓河中石有穴流水注入莫測其底石塔在治西灰窰溝清乾隆初魏氏募建高數丈石礎在青城山八卦臺徑五尺老霄頂亦有之前代建築遺蹟也

九株松在青城延慶觀宋范鎮詩所謂九松崢嶸姿一一大夫封是也古銀杏在常道觀前圍一丈八尺高數丈枝間鍾乳倒垂參差如玉筍中皇觀二株圍一丈四尺虬枝四蔭蒼翠玲瓏上清宮二株圍丈許其附根而茁者亦踰拱導江鋪一株圍一丈數尺幹離披而葉繁茂故老以爲在廢縣署前縣

治白果巷一株圍丈餘輪困奇秀蔚然大觀治東師家坡一株圍丈餘旁生者亦合抱鄉人購而護之禁翦伐獨柏樹在金馬山望之甚葱鬱都廟多古柏老幹扶疏數百年物也馬祖寺前有烽堆高二丈餘上有柏五株皆蒼勁旁有古甃瓦遺蹟相傳爲創建承天寺之瓦窰金馬鄉孟氏墓一株幹四歧皆合抱楊氏墓有柏圍丈餘參天蔽日垂陰頗廣崇義鄉陳氏墓羅氏墓多有之黛色霜皮厥狀奇古惜陳氏樹已伐曾家灣一株遠望如龍蟠土人呼爲龍柏古柎木在漩口鄉廣益學校側圍丈許枝葉偏垂俗呼官刀樹鴛鴦樹在治西尖尖山入夏而花每月變色土人因名之一把傘在治南七里山頭有樹如蓋望之儼然治東高墩廟有古杉亭亭獨立希世珍也今亦伐上皇觀有二株相傳爲唐代物古銀木在治東官道旁地因以名年久樹枯旁生者亦踰拱古欂樹在治西歇馬廟高撐如幄枯而復榮大楓樹在崇義

灌縣志

卷一 輿地書

二十六

場東圍一丈七尺樹老半空朱藤懸綴清光緒十五年折於風雨迤南一株圍一丈許今尙存酸棗樹在中興鄉迴龍菴相傳爲明代物大六圍清咸豐間枯而復生古麻柳在崇義場油子河畔大可數人圍漩口場外一株興仁場三株金馬場六株中興場五株圍皆一丈有餘並蒼蔚治東莫氏墓柎數株崇義鄉劉氏墓柎一株胡氏墓柏三株柳街場劉氏宅椽一株圍均踰丈而白果莊孟家大柏樹尤爲遐邇所稱

青城爲西南勝地楊慎蜀志補罅謂有一百八景風月佳時登儲福觀望之歷歷可數今滄桑迭變名實難符表彰無人遂就湮沒爰綴輯之以俟後賢搜訪焉彭祖峯石鑿峯龍牙峯野雲溪藏雲塢齊雲榭垂虹亭捎雲閣觸石軒臥雲菴碧桃溪芙蓉溪海棠溪過橋溪滴珠泉溪光亭清風湖荻花洲碧霞洞躑躅溪紫霞洞紫薇洞醮醮洞青陰橋綠篠橋玉微亭紅霞塢爛柯亭

灌稻泉翠光亭紫陽洞暗香亭金華堂黃梅嶺煎茶溪鸚鵡林野人澗寶蓮
社妙高峯娑羅坪木蘭岫桂香亭白蘋洲望岷壩百花潭瑞香嶺瑞荷堂兼
葭渚芭蕉谷直釣亭和芳隴金棖莖鑑雉洪芙蓉島歲寒洞棲真洞望山坡
黃葵坡鳳蕭樓跨鳳亭馭鶴峯化成洞望闕臺凝碧溪寶陀巖玉女潭藏春
島桂子谷九曲池紅梅島水仙匯蓀荀岡浴丹池曝藥臺芳草渡采薇汀金
絲堤菖蒲谷種茶崖乳泉檻泉鑿湖斜川曲水桃源舸齋蕙谷芹浦葦廬柘
坪石室藻壑豹谷鹿關芝畦黃浦菱灣橘徑葦杭牛關葦陂丹臺華海藥圃
鑑橋青溪蓼嶼茅堂彭沔青
城山記晚近所增者又有駐鶴莊山陰亭冷然亭凝翠橋
奧宜亭慰鶴亭聽寒亭壯觀亭問道亭日觀亭飴翠仙窩
前志述灌陽十景多與右復以事關勝蹟例應存在亦附及之青城洞天老
人勝地翠竹棲鳳寒潭伏龍離堆鎖峽洞口生風白沙晚渡靈巖鑑火聖塔

灌縣志

卷一 輿地書

二十七

曉鐘竹林夜雨

前志灌記
新采 右古蹟

昔柳下荒壟敵人猶禁採樵信陵故墟異代猶爲守冢雖古人崇儉葬或不
樹不封而邑有名賢沒世寧無稱述前志所載墳墓闕佚多矣茲特補輯誤
者正之而附以義冢即漏澤園起於宋熙寧
時俗概以義塚稱之俾後來有所考焉

唐利州刺史陳琰墓

在崇義鄉油子河岸清光緒間墓毀於水有碑
出土係墓志乾元二年制舉場霽撰詳文徵

前蜀導江令黃璟墓

在胥家場

宋知永康軍柳侂墓

在玉堂場西山麓民
國十五年有碑出土

宋張保娘墓

在治南中興場外五桂鄉民
國二十一年有碑出土已殘缺

賜冠帔黎太孺人墓

在導江縣武
騎鄉詳文徵

明從征官卓子壽墓

在治南五十里
大墳壩碑尙存

明武略將軍

高公墓

在胥家場李墩子側
隆慶間建碑猶存

福建興化都司任金灝墓

在治東聚源
場外三星橋

王節母邱氏墓

在治東金馬
鄉寧遠橋

岐山縣知縣胡

鴻賓墓

在治南
三陽鎮

曾貞女墓

在治北靈
巖山麓

明進士鮮榮墓

在太平場外墓碣題浙江道溪諸塞佳城土人呼曰將軍
墳道溪似其號諸塞似其名殆亦隱君子流寓青城者

明人李一陽墓

在治南挖斷山麓豐碑
屹然猶有萬曆年號

明廩

生焦古淮墓

在治東蓮花壩清時碑出土知古淮係維章次子葬於嘉靖四十四年碑文乃其從兄古思撰焦氏後人錄藏之

明進士周恭先墓

在筏村周家巷

灌縣知縣名宦周宏廸墓

在治南三十里張氏宅後

清貴州荔波知縣畢楚珍墓

在治西五里安瀾橋南岸楚珍

字雪備河南假師縣舉人以子廷璜迎養至灌卒葬於此

清誥授建威將軍羅承勳墓

在治北冉家山

眉州學正陳炳魁墓

在治東南四十里古駕虹橋東岸

固原提督楊盡信墓

在治西湖北進士名山知縣劉相可墓

在治南四十里

馬祖浙閩總督楊國珍墓

在青城山猛追洞

晉州知州馬光型墓

在治西青雲汎

廣元教諭劉驥墓

在治南青城鄉

誥封中憲大夫周廷棟墓

在治東金村忠義甲

河工知縣何汝原墓

在治東金村

修職郎唐

籍陶墓

在蒲陽山麓

候選訓導羅錦裳墓

在治東十橋場

甘肅慶陽府知府張暉陽墓

在治西顧洞子

署陝西商州知州張家驥墓

在治東金馬鄉

江西南贛鎮總兵萬鵬墓

在治南

知縣董文

炳墓

在治東二十二里三官廟側

桃源縣知縣申元墓

在治東五里

麟遊縣知縣彭洵墓

在治西三十里青雲營

劉繩武墓

在崇義東一里

鄉賢傅秉經墓

在青龍場梁家灘

鄉賢高溥墓

在太平場山麓

鄉賢宋履坦墓

在治

東走馬鄉賢潘懷珠墓

在治南塔子坪

鄉賢羅鳳藻墓

在治東華嚴寺側

烈女曹保姐墓

在石羊場外

節婦

灌縣志

卷一 輿地書

張龔氏墓

在聚源場南

貞女師桂貞墓

在安瀾橋右岸

貞女楊蓮芬墓

在青城石佛溝

舉人蒲聯芳墓

在治

東二十五里羅家巷側

夔州左營都司雷俸奇墓

在崇義場外

江津縣教諭高仕榮墓

在治東二十里劉家橋側

侍

衛王萬壽墓

在治南羅音寺側

銅梁縣教諭王昌麟墓

在治東金馬鄉

戶部主事賀鴻基墓

在治東十八里

謝家孝廉方正馬繼華墓

在治北五里靈巖山麓

成都水利同知宋兆熊墓

在治西玉壘關側

直隸

清河縣知縣陳大烈墓

在三陽鎮竹筒堰

武義都尉唐典翼墓

在蒲村山麓石壁環繞林泉幽潔土人謂之花墳園有碑誌

吳

廸貴墓

在金馬鄉覆墓以樓土人稱吳家柳房

江西墳

在寨子坪山麓江西人流寓多葬此因名

以上可徵信者

漢中郎將文園令司馬相如墓

元和志在導江縣東二十里寰宇記在導江縣東十里乾隆灌縣志在治東十二里劉海壩按史記相如居茂陵病卒是否歸葬蜀中無

碑碣可徵一說在青城山見圖書集成

宋黃不已妻魏氏端意墓

葬導江縣某處詳文徵

張道陵墓

相傳在青城山丈人觀側清光緒九年六十一

代天師張仁最來灌所言亦如此

前蜀杜光庭墓

四川通志在縣西南十六里鴻都

玉女墓

彭洵灌記在導江縣漢嘉鄉去縣二十五里

薛道衡墓

灌記云或云薛曾今有薛將軍祠在東街

宋別駕墓

李興宗詩云倒海回天平日志歛歸裝笠正堂堂古來忠義多摧折月浸孤墳冷劍光見灌記一說汝為墓在青城山

元張頌墓

前志並云在治東十六里按吳澄張君墓志云頌以蜀士流寓儀真葬揚子縣甘露

明山東巡

鄉三城里蜀岡之原地在江蘇前志蓋誤以揚子縣近羊子河故云在灌東耳

鄉三城里蜀岡之原地在江蘇前志蓋誤以揚子縣近羊子河故云在灌東耳

明山東巡

鄉三城里蜀岡之原地在江蘇前志蓋誤以揚子縣近羊子河故云在灌東耳

明山東巡

鄉三城里蜀岡之原地在江蘇前志蓋誤以揚子縣近羊子河故云在灌東耳

撫焦維章墓

任治東十里故老相傳如此清光緒間或柴夫人墓距青龍場三里年代不道官墳在

南道觀場外相傳明分巡道張鳳騰同妻某氏合厝雙柳猶存

毛翰林墓

在治東三十五里石公壩鄢翰林墓在治東三十四里宋家石橋馬鬣高封年代失考

譚國公墓

在治東三十八里吳塘傅氏宅舊有碑略可辨今已佚

焦氏墓

在治南六十里焦家巷土人稱焦駙馬墳晉公墓在許家場

外按場本名朱貴墓在邑西青雲汛相傳貴葬於清嘉慶間墳不加修而增長蕪之乃已

沈天官墓

在中興鄉南華山沈家巷側開前此有見其碑者今已佚

有二一在瀧口鄉常樂巷後有石柳無碑文一在蒲陽鄉山中山澗即名皇墳溝殆明時蜀王女耶

太子墳

在治西寨子坪土人相與呼之無可考馮氏土人以天官墳呼之

墳巋然故老謂舊有殘碑係馮氏土人以天官墳呼之

孟氏墓

在治西七十里相傳為孟天官墓因名其地曰孟家村石柳猶存碑文已滅

金雞墳

在治東金馬山不詳所始相傳為吳姓墓

瀧口鄉古墓

在粉灘汛二清正場二高墩廟一均石柳無碑文

崇義鄉古墓

清光緒初徐堰河岸得木棺方正而堅固土人葬之義塚民國十六年丁卯五月大雨崇義場左

高岸傾見雙石門內有窗土人得杯箸二色勳質堅碑字漫漶不可識復瑾之又羅家橋左羅氏林園有墳一相傳以為明墓云

中興鄉古墓

民國十五年丙寅十一月中興場東馬氏築宅掘地得石棺三碑誌不詳何代何人也

以上屬傳疑者

清翰林院編修周盛典墓

在崇寧縣北十七里蓮花山法隱寺側子慶綸分發甘肅知縣葬墓右

直隸磁州知州陳政典墓

在仁壽縣蓮花壩

清封中憲大夫陳政常墓

在彭縣三沫水

烈士陳大鏞與妻節婦張氏合葬墓

灌縣志

卷一 輿地書

在彭縣關口

清封文林郎羅文炳墓

在茂縣關子堡

以上縣人葬於外者

靈巖山麓義冢

治北門外邱陵上下皆徧約三百餘畝清同治間知縣胡圻後購地益之並蘊玉橋側

義冢

在治西崇義場義冢在下場外廣十餘畝清光緒間購地益之聚源場義冢場外盤龍橋側清

碑記又場後有三所

古官家場義冢

治東十八里走馬河畔約三十畝清咸豐庚申年毀於水光緒二十一年鄉人培葺之有碑記

海雲寺側義冢

在治東三十里廣約九畝

高廟子附近義塚

在蕭家碾側廣二畝餘

家

一在老場後約一畝餘一在新官山約四畝一在大明寺側約二十畝除畝一在廖家壩約二十畝

胥家場

義冢

凡四處一在場北一在關廟後不詳所始清光緒間復購地益之興仁場義冢清嘉慶二十四年置

示禁踐

清正場義冢

在山麓一在粵東街後

麻溪場義冢

距場數里小凹口下廣數畝前

義塚

在鄰家店者三在大碾沱者二在張家碾者一在三教堂

關王壩義冢

在治南六十里崇福寺側明末獻賊殲居民於此後陳汪

石羊場義冢

一在場東偏廣約四畝一在古鶴虹橋側約畝餘一在臨江書院

塚

按義冢各場聚皆

前志

灌記

有之茲著其略

新采

右墳墓

以上義

贊曰灌爲巖邑實扼要衝始別江沱而玉壘青城對峙利開天府獨據上游
靈秀之氣甲全蜀焉自秦以還疆以漢索富庶且教蔚有人文世變多端不
恆建設然神皋奧區自若也國體驟更軍事旁午山川如故而風景全非民
困誅求力始殫矣後之視今猶今之視昔提封百里誰與休息生養哉

灌縣志

卷一 輿地書

三十